



UPRAVNI ODBOR

Broj: 01-02-2- 1661 /25
Bihać, 21.4.2025. godine

Na osnovu člana 103. Zakona o zdravstvenom osiguranju FBiH („Službene novine FBiH“ br. 30/97, 7/02, 70/08, 48/11, 36/18 i 61/22), člana 38a Pravilnika o načinu ostvarivanja prava iz obaveznog zdravstvenog osiguranja („Službene novine FBiH“, br. 31/02 i 20/19), člana 26. Statuta Zavoda zdravstvenog osiguranja Unsko-sanskog kantona Bihać („Službeni glasnik Unsko-sanskog kantona“ broj: 12/15 i 9/19), Upravni odbor Zavoda zdravstvenog osiguranja Unsko-sanskog kantona na ____ sjednici održanoj dana 21.4.2025. godine donosi:

ODLUKU

o sufinansiranju troškova neinvazivnih prenatalnih testova za 2025. godinu

Član 1.

(Predmet)

(1) Ovom Odlukom utvrđuju se kriteriji, način i postupak ostvarivanja prava na sufinansiranje troškova neinvazivnih perentalnih testova, kao i najveći procentualni iznos sredstava za sufinansiranje troškova, a u skladu sa poslaničkom inicijativom zastupnika u Skupštini Unsko-sanskog kantona i Finansijskim planom Zavoda zdravstvenog osiguranja Unsko-sanskog kantona.

Član 2.

(Sredstva za sufinansiranje)

(1) Sredstva za sufinansiranje troškova za dijagnostičku proceduru neinvazivnog prenatalnog testiranja osigurana su u Finansijskom planu Zavoda zdravstvenog osiguranja Unsko-sanskog Kantona za 2025. godinu.

Član 3.

(Opći kriteriji za sufinansiranje)

(1) Sufinansiranje troškova za dijagnostičku proceduru neinvazivnog prenatalnog testiranja vršit će se u skladu sa kriterijima i to:

- a) Starosna dob trudnice od 35 godina i više,
- b) Da je zbir godina supružnika/partnera 70 godina i više,
- c) Opterećena porodična anamneza (pojava hromosopatija kod dosadašnjeg potomstva),
- d) Pataloški nalaz testova probira u ranoj trudnoći (rani test probira, double test, triple test)
- e) Ultrazvučni znakovi hromosopatija u ranoj trudnoći, kao i neke kongenitalne anomalije prepoznate ultrazvukom u ranoj trudnoći,
- f) Ako je trudnica imala tri ili više pobačaja,
- g) Trudnice koje su zanijele vantjelesnim putem a koje nisu radile genetske analize,
- h) da je u momentu pružene usluge osiguranica imala prijavu na zdravstveno osiguranje USK u trajanju ne manje od 6 mjeseci (ispunjenost uslova zdravstvenog osiguranja na Unsko-sanskom Kantonu Zavod će vršiti ex officio, uvidom u službene evidencije).

Član 4.

(Komisija)

(1) Zahtjev za ostvarivanje prava na sufinansiranje troškova neinvazivnog prenatalnog testiranja razmatra komisija Zavoda zdravstvenog osiguranja Unsko-sanskog kantona za liječenje van kantona i u inostranstvu.

(2) Komisija iz stava (1) ovog člana daje prijedlog na osnovu kojeg rukovodioc nadležne poslovnice Zavoda donosi odluku o sufinansiranju troškova.

(3) Komisija je obavezna da vodi evidenciju o broju zaprimljenih zahtjeva, odobrenih i odbijenih zahtjeva i novčanih sredstava utošenih za ovu namjenu.

(4) Služba za poslove Ljekarskih Komisija obavlja sve administrativne poslove za potrebe komisije.

Član 5.

(Podnosilac zahtjeva)

(1) Zahtjev za ostvarivanje prava na sufinansiranje troškova neinvazivnog prenatalnog testa podnosi osigurano lice ili njegov punomoćnik, te bračni/vanbračni drug.

(2) Zahtjev iz stava (1) ovog člana podnosi se nadležnoj poslovnici Zavoda zdravstvenog osiguranja Unsko-sanskog kantona po mjestu prebivališta.

Član 6.

(Pokretanje postupka)

(1) Uz zahtjev za ostvarivanje prava na sufinansiranje troškova neinvazivnog prenatalnog testa dostavlja se slijedeća dokumentacija:

- a) Nalaz ordinirajućeg ljekara specijaliste ginekologije i akušerstva sa preporukom za neinvazivni prenatalni test uz relevantnu medicinsku dokumentaciju kojom se dokazuje ispunjenost opštih kriterija iz člana 3. ove Odluke,
- b) Originalnu plaćenu fakturu o izvršenoj i pruženoj usluzi na ime osiguranika,
- c) Vjenčani list za supružnike ili drugi odgovarajući dokaz za vanbračne partnere kojim se dokazuje zbir godina supružnika/partnera 70 godina i više,
- d) Transakcijski broj žiro računa podnosioca zahtjeva.

(2) Komisija zadržava pravo da traži dopunu dokumentacije u svrhu dokazivanja ispunjenosti uslova propisanih kriterija.

(3) Potpisivanjem zahtjeva i predaja gore navedene dokumentacije ujedno je data saglasnost za obradu ličnih podataka u cilju vođenja postupka i rješavanja predmeta.

Član 6.

(Procentualni iznos sufinansiranja)

(1) Zavod će sufinansirati sredstva u ukupnom iznosu od 80% stvarnih utrošenih troškova po priloženom računu.

(2) Finansiranje troškova za usluge prenatalnog testa, vršit će se po redoslijedu primljenih zahtjeva putem protokola Ljekarske komisije Zavoda, do utroška planiranih sredstava predviđenih u Finansijskom planu za tekuću godinu.

Član 7.

(Okončanje podnesenih zahtjeva)

(1) Podneseni i neriješeni zahtjevi za ostvarivanje prava na sufinansiranje troškova neinvazivnog prenatalnog testa, koji su podneseni u tekućoj godini, a prije stupanja na snagu ove Odluke okončat će se prema odredbama ove Odluke.

Član 8.

(Stupanje na snagu)

(1) Ova Odluka stupa na snagu danom donošenja i bit će objavljena na stranici Zavoda zdravstvenog osiguranja Unsko-sanskog Kantona.



Predsjednik Upravnog odbora

Ismet Sijamhodžić, dipl.ecc

Dostaviti:

- Odjeljenje za finansijske poslove ZZO USK-a
- Odjeljenje za provođenje zdravstvene zaštite i prava iz zdravstvenog osiguranja
- Poslovnice Zavoda zdravstvenog osiguranja e-mailom
- a/a

OBRAZLOŽENJE

1-PRAVNI OSNOV

Pravni osnov za donošenje Odluke sadržan je u članu 103. Zakona o zdravstvenom osiguranju F BiH („Službene novine F BiH” br. 30/97, 7/02, 70/08, 48/11, 36/18 i 61/22), članu 38a Pravilnika o načinu ostvarivanja prava iz obaveznog zdravstvenog osiguranja („Službene novine F BiH”, br. 31/02 i 20/19) i članu 26. Statuta Zavoda zdravstvenog osiguranja Unsko-sanskog kantona („Službeni glasnik Unsko-sanskog kantona” broj: 12/15 i 9/19), Poslaničke inicijative od 09.09.2024. odine

II - RAZLOZI ZA DONOŠENJE ODLUKE

U cilju realizacije inicijative zastupnika u Skupštini Unsko-sanskog kantona za planiranje sredstava u Finansijskom planu Zavoda za neinvazivno prenatalno testiranje iz krvi trudnica, Zavod je u Finansijskom planu za 2025. godinu obezbijedio sredstva na poziciji 613 946 29 u iznosu od 150.000,00 KM. Shodno navadenom, a u cilju realizacije pomenute inicijative i stvaranja preduslova za realizaciju planiranih sredstava, sa nadležnim ljekarima kantonalne bolnice “dr. Irfan Ljubijankić” Bihać utvrđeni su kriteriji i smjernice za određivanje kategorija trudnica kod kojih postoji opravdana medicinska indikacija za dijagnostičku proceduru predmetnog testiranja

III - PRAVNA RJEŠENJA

Ova odluka sastoji se od V poglavlja kojima je regulisano slijedeće:

POGLAVLJE I - V Ovim poglavljima, pored osnovnih odredaba, reguliše se: kriteriji za sufinansiranje troškova, način i postupak za ostvarivanje prava na sufinansiranje troškova, procentualni iznos sredstava za sufinansiranje troškova i prelazne i završne odredbe

IV - FINANSIJSKA SREDSTVA

Finansijska sredstva za realizaciju ove odluke obezbijedena su u Finansijskom planu za 2025. godinu na poziciji 613 946 29 u iznosu od 150.000,00 KM.